



Broj: 05-16-4-7586-8/16
Sarajevo, 09.11.2016.godine

Na osnovu člana 70. i člana 89. Zakona o javnim nabavkama Bosne i Hercegovine („Službeni glasnik Bosne i Hercegovine“ broj 39/14), ministar pravde Bosne i Hercegovine, donosi

O D L U K U
o dodjeli ugovora u postupku javne nabavke

I

Dodjeljuje se ugovor ponuđaču PRIMAPROM d.o.o. Banja Luka, Vidovdanska bb, 78000 Banja Luka u postupku javne nabavke usluga štampanja potvrda/certifikata i časopisa.

II

Ponuđač iz tačke I ove odluke dostavio je najnižu cijenu u skladu sa članom 64. stav (1) tačka b) Zakona o javnim nabavkama Bosne i Hercegovine.

O b r a z l o ž e n j e

Ministarstvo pravde Bosne i Hercegovine je 22.08.2016.godine, Odlukom pokrenulo konkurentski postupak nabavke usluga štampanja potvrda/certifikata i časopisa, izvršilo objavu na portalu javnih nabavki Agencije za javne nabavke Bosne i Hercegovine www.ejn.gov.ba 05.10.2016.godine i uputilo pozive ponuđačima zainteresiranim za učešće u javnom tenderu.

U ostavljenom krajnjem roku za dostavljanje ponuda, pristigle su tri ponude, i to od sljedećih ponuđača:

1. PRIMAPROM d.o.o., Vidovdanska bb, 78000 Banja Luka
2. FRANEX TRADE d.o.o., Vilsonovo šetalište 9, 71000 Sarajevo
3. AGENCIJA ALIGO obrtnička radnja, Lužansko polje 7, 71210 Ilidža

Nakon analize i procjene dokumentacije priložene uz pristigle ponude Komisija je utvrdila da sve navedene ponude ispunjavaju formalno-pravne i tehničke uslove navedene u tenderskoj dokumentaciji, te da se kao takve smatraju prihvatljivim ponudama.


Nadalje, Komisija je konstatovala da je tačkom 7.2. tenderske dokumentacije propisano da će ugovorni organ u svrhu poređenja ponuda, primijeniti preferencijalni tretman domaćeg u skladu sa Odlukom o obaveznoj primjeni preferencijalnog tretmana domaćeg („Službeni glasnik BiH“ broj: 103/14), te da će u tom smislu, prilikom poređenja ponuda, umanjiti cijene domaćih ponuda za preferencijalni faktor od 15%. Pri tome se pod domaćim ponudama podrazumjevaju ponude koje dostave pravna ili fizička lica sa sjedištem u BiH i kod kojih najmanje 50% ukupne vrijednosti od ponuđenih roba ima porijeklo iz BiH. Istom tačkom tenderske dokumentacije dalje je propisano da je ponuđač, kao sastavni dio ponude, dužan dostaviti popunjenu Izjavu o obaveznoj primjeni preferencijalnog tretmana domaćeg iz Aneksa 3 tenderske dokumentacije, u kojoj će zaokružiti jednu od ponuđenih opcija – a) ili b), te potvrdu Vanjskotrgovinske komore Bosne i Hercegovine ili Privredne komore Federacije Bosne i Hercegovine/Republike Srpske ako potpada pod preferencijalni tretman domaćeg.

Komisija je konstatovala da su sva tri ponuđača dostavila popunjenu Izjavu o obaveznoj primjeni preferencijalnog tretmana domaćeg iz Aneksa 3 tenderske dokumentacije, u kojoj je ponuđač PRIMAPROM d.o.o. Banja Luka zaokružio opciju a) da je riječ o domaćem preduzeću sa sjedištem u BiH i da je najmanje 50% od ponuđenih roba za izvršenje ugovora iz BiH, dok su ponuđači FRANEX d.o.o. Sarajevo i AGENCIJA ALIGO o.r. Ilidža zaokružili opciju b) da se na njih ne mogu primijeniti odredbe o preferencijalnom tretmanu domaćeg. U svrhu dokazivanja ponuđač PRIMAPROM d.o.o. Banja Luka dostavio je potvrdu Vanjskotrgovinske komore Bosne i Hercegovine, broj: 05-27-BL-43/16 od 13.10.2016.godine.

Shodno navedenom, Komisija je preporučila ministru pravde BiH na osnovu kriterija najniže cijene i uz primjenu preferencijanog tretmana domaćeg (Zapisnik broj: 18.6-16-4-8884-1/16 od 14.10.2016.godine, u prilogu), da u predmetu nabavke usluga štampanja potvrda/certifikata i časopisa, donese Odluku o dodjeli ugovora ponuđaču PRIMAPROM d.o.o. Banja Luka, Vidovdanska bb, 78000 Banja Luka.

Uzimajući u obzir naprijed navedeno, odlučeno je kao u dispozitivu odluke.

Pouka o pravnom lijeku: svaki ponuđač koji ima legitiman interes za konkretan ugovor o javnoj nabavki i koji smatra da je Ministarstvo pravde Bosne i Hercegovine u toku konkretnog postupka dodjele ugovora, prekršilo jednu ili više odredbi Zakona o javnim nabavkama i/ili podzakonskih akata, ima pravo uložiti žalbu ministru pravde Bosne i Hercegovine na postupak u pisanoj formi, u roku od pet dana od dana kada je primio Odluku, odnosno Obavještenje o rezultatima.



Prilog:

- Zapisnik o ocjeni ponuda.

Dostaviti:

- Ponuđaču,

- a/a.